

Bosna i Hercegovina
Federacija Bosne i Hercegovine

KANTON SARAJEVO
Kantonalna uprava civilne zaštite
Operativni centar



Босна и Херцеговина
Федерација Босне и Херцеговине

КАНТОН САРАЈЕВО
Кантонална управа цивилне заштите
Оперативни центар

Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 04-44-1-176/19
Sarajevo, 29.10.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 28.10.2019. do 07:00 sati 29.10.2019. godine

U toku jučerašnjeg dana od ranih jutarnjih sati pripadnici Kantonalne uprave civilne zaštite Kantona Sarajevo, Općinske službe civilne zaštite Trnovo, naše Službe za zaštitu od požara u šumama, koja je formirana u KJP „Sarajevo-šume“ i DVD Trnovo su bili angažovani na gašenju požara lokalitetu Treskavice u rejonu Kukovi, Paleža, Jablan dola i Crvenih stijena u blizini Crnog jezera. Obzirom, da se stanje na požarištu uslijed ljudskog faktora i više sile (došlo do pojave vjetrova), oko 12:50 sati znatno pogoršalo, te da je gašenje požara bilo otežano zbog nepristupačnog terena koji je kontaminiran minsko eksplozivnim sredstvima, pomoćnik direktora Kantonalne uprave civilne zaštite Kantona Sarajevo za zaštitu od požara i vatrogastva je o istom obavijestio Kantonalni operativni centar civilne zaštite. Dežurni u Kantonalnom operativnom centru civilne zaštite je odmah o istom obavijestio direktora Kantonalne uprave civilne zaštite Kantona Sarajevo, po čijem je nalogu u skladu sa propisanim operativnim procedurama upućen zahtjev u 13:00 sati Federalnoj upravi civilne zaštite i Ministarstvu sigurnosti za angažovanje letilica – helikoptera za gašenja požara koji su u vlasništvu Oružanih snaga BiH. Navedeni zahtjev Federalna uprava civilne zaštite je proslijedila u 13:50 sati Ministarstvu sigurnosti BiH, koje je u 14:40 sati zahtjev proslijedilo Ministarstvu odbrane BiH - Oružanim snagama BiH. Ministrica odbrane BiH je odobrila predmetni zahtjev, koji se nije mogao realizovati do kraja dana zbog ranog padanja noći.



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1

Prema dobivenim informacijama od Općinske službe civilne zaštite Trnovo, požara je i jutros aktivan, a zbog vremenskih prilika koje se očekuju u toku dana (sunčano vrijeme i mogućnost pojave vjetera) postoji opasnost od intenzivnijeg širenja požara.

Zahtjev za angažovanjem helikoptera – letilica Oružanih snaga BiH na gašenje požara bi se trebao realizovati u toku današnjeg dana.

U izvještajnom periodu Kantonalni operativni centar civilne zaštite primio je dvije informacije o pronalasku NUS-a i to:

- dana, 28.10.2019. godine u 11:45 sati od Općinske službe civilne zaštite Vogošća, da je na lokalitetu Gora, pronađen jedan nepoznat NUS,
- dana, 28.10.2019. godine u 15:04 sata od građanina, da je u ul. Enesa Herića br. 128, Općina Novi Grad, pronađen jedan nepoznat NUS.

O primljenim informacijama obaviješteni su pripadnici Tima za UES Federalne uprave civilne zaštite, koji su navedeno neeksplozirano ubojno sredstvo u ul. Enesa Herića br. 128. preuzeli isti dan, dok će prvo navedeno neeksplozirano ubojno sredstvo preuzeti u narednom periodu.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo imali su pet manjih i jednu veću intervenciju.

Veću intervenciju su imali dana, 28.10.2019. godine u 19:46 sati na području Lokvi, rejon Pratača, Općina Hadžići gdje je došlo do šumskog požara. U gašenju požara učestvovalo je 11 vatrogasaca Vatrogasnog društva Tarčin sa jednim vatrogasnom vozilom i tri pripadnika naše Službe za zaštitu od požara u šumama, koja je formirana u KJP „Sarajevo-šume“. Veći dio požara su stavili pod kontrolu izuzev nepristupačnih dijelova (stijene). Akcija gašenja požara je završena u 02:52 sata. U toku današnjeg dana navedeni požar će nadgledati pripadnici naše Službe za zaštitu od požara u šumama, koja je formirana u KJP „Sarajevo-šume“.

Manje intervencije su slijedeće: tri na gašenju trave i niskog rastinja, jednu na gašenju požara u napuštenoj kancelariji i jednu tehničku intervenciju na sapiranju platforme na Međunarodnom aerodromu Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 7°C, vlažnost zraka 93%, barometarski pritisak 952 hPa.



BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- Televizija Kantona Sarajevo
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1